



元詩選



二三

| | | |
|------|----|---|
| 內閣文庫 | | |
| 三六 | 一二 | 漢 |
| 兩 | 二九 | 書 |
| 一 | 六 | 類 |
| 四架 | 冊 | 號 |



| | | |
|------|-----|-------|
| 內閣文庫 | | |
| 番號 | 漢 | 11296 |
| 冊數 | 4 | (2) |
| 函號 | 358 | 90 |





清容詩格力
清勁一洗濃
綽然其長
頗少
句結字亦未
堅緻此首步
驟唐人頗為
流麗

李夫琵琶行序



先皇金輿時駐蹕。李氏琵琶稱第一。素指推却春
風。深行雲。停空駐晴日。居庸舊流水。浩浩湯湯亂
人耳。龍岡古松聲。寂寂歷歷不足聽。天鵝夜度孤
雁響。露鶴月吸哀猿驚。鷗絃水晶絲。龍柱珊瑚枝。
願上千萬壽。復言長相思。廣寒殿冷芙蓉秋。簇金
雕袍香不留。望瀛風翻浪波急。興聖宮前歛容立。
花枝羞啼蝶。旋舞別調分明如欲託。憶昔從駕三
十年。宮壺法錦紅茸氈。駝峰馬湏不知數。前部聲
催檀板傳。長樂畫濃雲五色。侍宴那嫌頭漸白。禁

柳慈烏飛復翔。為言反哺明當還。朝進霞觴辭輦道。母子相對猶朱顏。君不聞出塞明妃恨難續。請君換譜回鄉曲。

清明

水落渾黃風晦冥。不知節物是清明。道旁新塚悲歡盡。柳下長亭聚散輕。門靜鞦韆歸燕逐。沙寒筍過魚驚。河南禁酒河陽飲。醉醒相看摠有情。

用早朝韻酬伯生試院見懷

玉署松深月半斜。研朱和露勘塗鴉。射熊心苦穿楊葉。吐鳳聲清飽竹花。過眼似迷三里霧。騰身誰

上九霄霞故人掉首南山去。應釣秋風漢水槎。

龍門

瀚海雙龍鐵鱗甲。卷壑挈雲躡冀闕。千泉百道奏東南。急雨翻空迸晴雪。古言神禹功最多。導山鑿石踈九河。幽都之地不復顧。乃使雙龍下地成盤渦。陰風何颼颼。磅礴太古秋。崩崖落車礮。怪木森戈矛。碎沙晴日鋪金麩。云是昔日當關挽勁之僕姑。寒泉組練結九曲。亭午赫日光糝糊。車聲何麟麟。昨宵急水迷無津。垂堂之言猶在耳。遊子商人行不已。子歸徹天呼我歸。翠華北幸那得辭。龍門

龍平集中如
瓊房連瀾曲
土屋覆山楹
午潯曾持扇
朝寒却衣綿
坡凹茅結屋
嶺轉水回灣
馬通分烟燿
牛酪注深清
皆善寫風景
而未能通首
完善

元詩選 卷一
之石高不磨。泚筆書我龍門歌。

曉發

蓐食慎王事。曉星當前戶。跨馬官道行。細草泣寒露。亂石鳴琮瑀。啼鳥守荒樹。行行未十里。門堠坐當路。年衰脛力拘。望遠彌窘步。天風卷飛蓬。白日互吞吐。深知非世才。歸耕誓先墓。

望句逆理

元詩選卷一終

元詩選卷二目錄

馬祖常五首

貢奎六首

張養浩六首

許有壬一首

曹伯啟一首

蒲道源一首

安熙三首

范梈十五首

揭傒斯十二首

虞集三十三

楊載九首

黃潛二十首

歐陽玄六首

元詩選卷二

無錫顧奎光星五選輯

陶瀚昆謀

陶玉禾昆穀 參評

馬祖常 五首

度居庸關次繼學韻

筆紙清曠
飛鞚陟雲巘。決皆盡圖畫。天氣吹高寒。山雨灑長夏。冥冥白鳥去。寂寂松子下。陸行石當途。水春泉繞舍。高與蜀道齊。深乃盤谷亞。筍輿約重來。羸馬

苦常跨朋從詠連疊。酬應給閑暇。得見王子喬。吾將驟鶴駕。

湖北驛中偶成

江田稻花露始零。浦中蓮子青復青。楚船祠龍來買酒。十幅蒲帆上洞庭。羅衣熏香錢滿篋。身是揚州販鹽客。明年載米入長安。妻封縣君身有官。

五言

不作還山夢。因吟李杜詩。平生無飽飯。抵死只憂時。事實兼唐史。風流揖楚詞。山川舊遊處。千載有餘悲。

雖兼說李杜
然領聯能括
付少陵一生
青蓮不預也

光山縣尹孔凝道作縣有聲鄉人為圖

光山近在故山西。樹滿江頭稻滿畦。鄰屋讀書相教授。社祠醉酒共提攜。水牛礪角嫌耕淺。野繭抽絲喜價低。春雨行田無從吏。獨騎齋馬畏青泥。

比亦何預縣
丁而循良政
具見德政
所尚說不到

誚燕

風雨池塘鬪頰頰。春來秋去一生忙。世間多少寬閑境。辛苦營巢傍屋梁。

貢奎六首

同朱克齊蔣教授游大梵寺二首 錄一

遠客閑無計。微官欲賦歸。偶尋幽寺去。頗覺俗情

元詩選 卷二
非涸澤飢鷹戀。高空獨雁飛。西風如有意。向晚襲
人衣。

居庸關蚤行

茅屋聞雞起。羸驂並轡行。澗深孤碓響。山暗數烽
明。細憶昔題處。空慚不棄名。客愁偏切耳。斜月候
蟲鳴。

送史高士謁吳閑閑

春水武昌船。帆飛敬亭雨。孤城厭喧囂。聽此櫓燕
語。揮手謝時人。開胸散煩暑。煌煌闕下書。曳曳雲
間侶。真人紫霞佩。執簡授璇宇。攬衣欲從之。神交

起法陡拔

諒傾許。霽雨沐霄容。風微鵠初舉。游心愜高明。脫
屣邁行旅。懷哉會何時。酌彼盈尊醕。

題趙虛一山水圖

我愛青山欲歸去。偶見生綃喜還住。層巒疊嶂遠
冥濛。旭日東生光采注。簾陰微閃數枝丹。疑是簷
前半開樹。晴峰曉翠千萬重。一覽底須携杖屨。郭
生十年不相見。筆意從容入天趣。青田道人如瘦
鶴。能跨生駒窮海岳。何如掛此素壁間。終日焚香
相對閒。政爾胸中有邱壑。烏帽黃塵漫飄泊。向來
山中我醉眠。白雲孤飛興悠然。清幽到處画不出。

人多說見画
思歸此又是
翻案

元詩選 卷二
自遣數語人間傳。

清河

畫景
溪碧石生處。山青雲起時。藕花紅映岸。藤蔓翠牽
籬。落日漁家網。微風酒市旗。順流船漸急。翻覺去
心遲。

寄張芳洲

客裏秋風厭道途。歸來決策侶樵漁。知心白石煙
霞在。滿眼青山故舊疎。畏熱還思親枕簟。愛閑應
媿負琴書。麻姑池上花如錦。何日相過駕短車。

張養浩 六首

過長春宮

往年嘗夢蓬萊宮。三山鰲背搖虛空。滄溟俯視一
衣帶。銀河鼓浪來天風。茲遊良不異疇昔。半日恍
恍迷西東。平生頗似有仙分。足跡未到神先通。層
樓複觀此誰構。只疑天巧非人工。繞簷松影黑於
海。步驚棲鶴翔雲中。西山亦喜得佳客。巍峨相向
如爭功。遼金興廢渺何許。今人一笑憐雞蟲。須臾
遍歷至方丈。壺酒盤果羅青紅。心清已覺破煩暑。
左右况復扇兩童。道人見我樂幽勝。故為留戀談
無窮。鼎鑪百沸失膏火。風水萬里忘萍蓬。默求詩

句為相答。半醉揮出毫端虹。煙雲滿室動鬼神。不
但為彼開盲聾。笑談人境兩相稱。此會詎與尋常
同。却愁歸去到塵世。又隨俗迹墮樊籠。

登泰山

風雲一舉到天關。快意平生有此觀。萬古齊州烟
九點。五更滄海日三竿。向來井處方知隘。今後巢
居亦覺寬。笑拍洪崖詠新作。滿空笙鶴下高寒。

寄省參議王繼學諸友自和

曩昔塵奔為悅親。而今雲臥復天真。山林充隱當
容我。館閣求賢豈乏人。噩夢久隨風散曙。衰容難

對法脫酒

備

亦使議論然
如若教仙桂
在平地更有
何人肯苦心
唐人句法已
先之矣

與物爭春。綽然烟景無窮在。莫怪沙鷗不易馴。
身與功名果孰親。萬鍾何似一瓢真。若教宇宙無
難事。未必山林有退人。遺語五千方外教。行窩十
二洛中春。老懷久矣忘機巧。猿鶴欣欣燕雀馴。

翠陰亭落成

錦里歸來萬慮降。戴逵何必適他鄉。幼思弓劍驅
千騎。老愛琴書占一窗。分芋帶烟寒斲玉。尋梅和
月夜臨江。漫郎雖是扁舟客。政恐漁樵不敢雙。

久雨初霽書所寓壁

癡雨歇簷滴。頑雲開日華。穴垣驚暗筍。捨地惜幽

治新

結率

元詩選 卷二
花市隱靜於野。客居閑似家。故園亦皆寓。心定自無譁。

許有壬 二首

閑居雜詩

鷓山東北接郊墟。郭影嵐光画不如。九十日春朝暮雨。兩三間屋古今書。庭花紅礙經行處。園竹青回剪伐餘。滿地蒼苔愁踏破。年來深喜故人踈。

和傅汝礪寄來韻

江水舟航日夜東。故人音問得常通。君才能挽千鈞重。我老維懷一畝宮。自古山林容小隱。只今臺

破語却妥帖

省有諸公。欲知別後詩成處。都在花香竹影中。

曹伯啟 一首

蕭縣道中早行

行行古天塹。冪冪桑與梓。樹枝防棘人。天明僅十里。功名果何物。白髮仍早起。賴聞瀑水聲。清徹畸人耳。

蒲道源 一首

題答失帖木兒大夫所藏王維画寒林曉行

圖

野景荒寒霜意邊。疎林僵立勢參天。定應画妙王

摩詰故著詩清孟浩然。驢怯小橋鞭不動。風掀危帽整還偏。官閑老我叨君賜。紅日三竿尚晝眠。

安熙 三首

擬古次韻

鬱鬱巖下柏。青青水中蒲。巖前有幽人。壯歲常獨居。獨居亦何為。不羨春華敷。十年掩關臥。門庭盡荒蕪。美人殊不來。日夕聽軒車。

中州有寒士。塊然守空堂。清貧久有信。壯懷殊未央。豈不願馳騁。冒雪凌風霜。振策萬里途。超忽追鵬翔。永念同懷人。渺在天一方。悵望不可見。慷慨

程祥興本廠定

發清商。獨處誰晤語。百感摧中腸。人生諒難必。且莫徒悲傷。

病臥窮廬時詠靜修仙翁和陶詩以自適輒

效其體和詠貧士七篇非敢追述前賢聊

以遣興云爾 錄

靜中有真趣。非絃亦非琴。耿耿方寸間。千年有遺音。手植庭下蘭。奇香愜幽尋。獨處誰晤語。有酒還自斟。西山蕨薇多。長往夙所欽。塵迹尚淹留。低回愧初心。

范梈 十五首

奉同元學士以落月滿屋梁猶疑照顏色為

韻賦贈鄧提舉之官江浙一首

青天青如石。星辰何磊落。適見北斗高。忽復滯郊郭。
 感此流電驚。行邁孰為樂。况值杪秋令。清商動涼幕。
 芳燕候親朋。驅車背河朔。登高望四野。下田畢新穫。
 於時不同賞。惆悵睇雲岳。古人有云然。未契重交托。
 托契自有初。相晞在結髮。請持交龍鏡。比似空際月。
 昔月三五盈。今夜三五缺。月盈自有時。俟君采薇蕨。
 采薇陟崇岡。空筐不易滿。季女懷朝飢。日光下纂纂。
 豈無機杼思。十旬義一澣。含悽

章法仿陳思
 贈白馬王彪
 詩色澤音調
 穆然入古不
 由摹擬而得
 而比興錯綜
 尤得風雅之
 遺

就經緯。意長絲緒短。路途相識親。要入鮫人館。泣
 下仍成珠。更苦哀歌緩。緩歌浮雲停。急歌流水從。
 水流亦有宗。雲散復成族。踽踽何路子。離居振群
 肅。會合寧無期。載感時運速。晨風懷苑林。玄鳥辭
 華屋。明發念飛蓬。秋聲浙江曲。浙河名山水。在昔
 最餘杭。浩浩負海區。地絕川無梁。執玉夸禹會。帶
 甲宣吳疆。慨彼仁義都。風俗殊興亡。末代綴繁會。
 周衢沸絲簧。聞之虛廟閤。斷雨生蛩蟹。幸及九域
 一。四民樂時康。游歷須慎重。勿用多殞傷。矧茲握
 新命。出布堯文章。雖當日月遠。足昭雲漢光。凄其

元詩選 卷二
金氣厲嘉實方歛藏。楊柳臥枉浦。蒹葭委嚴霜。物
情各有歸。我獨不得將。仰視雲中雁。肅肅俱南翔。
雲雁明天中。回首顧齊州。沙嶼重綿互。竟復少遲
留。欲知鳴雁心。黍稻非終謀。視彼羣飛者。矢心良
不猶。不猶將謂何。豈復不如茲。明年擇聖蹈。既往
無復疑。譬之騏蹄駒。昂藏養雲姿。下乘歲百駕。逸
足誠歸誰。伯樂偶並世。當受知者知。長鳴待儔侶。
首路復安之。所之在東南。斷水列風嶠。至人遺吏
隱。出處惠兼妙。干莫居匣中。千年逸神耀。一朝持
入手。未言心相照。照之千里外。如在咫尺間。明夜

夢見君。怡怡越河關。惜去不須臾。念來亦循環。古
時岐路人。何用涕潛潛。景巖草木斷。虎豹啼空山。
方冰先春水。野飯維清灣。買觴斲魚鮮。甫謝金鸞
班。此行竟遂媾。亦慰親友顏。天目埽烟岫。日夕飛
禽還。山中桂樹多。庶為故人攀。攀花貽遠道。洵美
道中輒。若復無相忘。報之雙白壁。美人如芙蓉。隔
浦無相識。舊交日已違。新交當日得。各自有殷勤。
初不在容色。俯水愧遊鱗。仰空慚飛翼。眷言執手
地。歲暮霜霰迫。踟躕復踟躕。悽惻重悽惻。

谷口散暑

谷口月未上。漁火出橫塘。門前稻畦。鼃黽雜風。
 篁童弄山墅。今茲白髮長。新歸稍結構。日俟江。
 海涼。琴書散衡宇。藥物布滿牀。謝告未緣衰。以疾。
 不得將。維時仲夏半。織女當西堂。常恐梧樹落。莎。
 雞戒衣裳。平生荷耒志。經歲失豐穰。此行庶無負。
 海內膺時康。

饒國吳氏晚香室

大江秋似練。楚樹落清曉。巖際不逢人。翩翩數歸。
 鳥。饒君庭宇靜。澗水黃花繞。爛錦照天朗。繁錢承。
 露小。何當鶉鳩鳴。誤識春事了。焉知歲寒姿。獨立。

二首俱工發
 此首氣概
 尤濶大

西風表乾坤有清氣。欲未易少。搖落暮春期。羨
 人煙霧杳。

郡中即事十二韻

儋耳九州外。邈然在南荒。周回數千里。大海以為
 疆。古來非人居。禽獸相伏藏。自從中世來。貢賦登
 明堂。其或失撫馭。山藪更陸梁。聚則成蜂螳。散即
 驅牛羊。高結舞大鹵。上衣不備裳。殺戮乃酬勸。誅
 之仁者傷。吾嘗七八月。持節泛滄浪。一旬錄郡獄。
 詢事考纖芒。問之守郡人。莫識為治方。但見西風
 多。靡宇秋蕪長。聖哲戒忠信。勿謂不足行。及茲蠻

清江楊疊云
 先生詩性情
 所宗一以少
 陵為歸海外
 諸作杜之悲
 壯也

不詳選 卷二
貊邦始見斯道臧

四月八日訪閩粵王無諸古城遂至蓮花峰
下僧寺寺乃唐王審知祠

維夏氣清宴。原藪樹龍葱。上弦適休暇。游詠紫烟中。
石澗演新流。山苗含惠風。肥苧膚隱白。崇榴葉張紅。
撫時警代謝。未歸憂心冲。承官妙政術。但覺祿養豐。
句稽困日月。始得如游驄。觀省職何補。庶望裨至公。
遺邱隱莎草。廢刹在空濛。而况塵境事。斯理固有終。

明月幾回滿

於選體中力
摹顏謝

淡遠

明月幾回滿。待君君未歸。中庭步芳草。蝴蝶上人衣。
誰念同袍者。閑居與願違。

蒼山感秋

葉世奇草木子云危太朴與德機同晚步德機得兩止二句喜甚既而曰語太幽殆類鬼作阮亭亦極賞此語
蒼山秋意長。池館靜而闕。雨止修竹間。流螢夜深至。
皇羲世云遠。雅頌日凋獎。舉手過頽波。誰識作者志。
烏啼魯東門。泗水不染袂。後去三十年。豈可肩聖知。
機關繫風化。詞語特細事。月落閉虛簾。坐夢太古帝。
揚眉頰玉色。盡發養生秘。勿謂仙學難。此道可立致。

壬戌秋錄囚晚行寧州道中追錄

德機五言如
屋隱疎篔簹
城依老樹雙
微風孤雁過
落日萬蟬吟
句法都佳

元詩選 卷二
曉發高平鎮。前旌路未分。小橋烟外過。流水月中聞。虎豹宜多隱。豺狼不可羣。居人敵炎暑。報有竹連雲。

晚過孔奉常舍下

滄江一萬里。書信近如何。向莫客懷薄。及秋鄉夢多。故人相慰藉。並舍數經過。但願長無事。彤庭接珮珂。

離席合賦贈南劔教授盛復之之官

首路向朱夏。出關猶到官。麥收風漲暑。梅熟雨留寒。氣候隨方異。才名自古難。豈容賢若爾。教授老

漲字留字鍊
得有力

江干。

望瀛海一首送危大朴之四明兼簡廉訪鄧

使君翰林袁侍講

危君英妙年。獨往志千載。天馬出名駒。空行見風采。昨日銜書到空谷。甚欲留之不能待。九月開帆指四明。要逐高秋望瀛海。海水上接天。漫漫世人不知此。別難當君夷。猶碧嶼日是我對月。永夕猿狖啼。青巒江樹葉。飛天雨霜。江上吳歛思。斷腸窈窕徐家兒。與女却望蓬萊如故鄉。君行却向三山望。雲霧軒窗六鼇上。東方雖樂不可以久留。歸獻

輕利瀏亮

仙公白雲唱西過錢唐遇順風為拜湖南持斧翁
會稽學士臥雲島朱絃流水鳴孤桐道我寄語莫
惓惓送君有情亦如海海水有盡別意無終窮

奉酬段御史登岳陽樓之作時分理盜賊至

海康

誰能手鋪湘水平刻却君山看洞庭昔人已騎黃
鶴去樓前亂芷春蘭青豈知繡衣後千載遠違鳳
闕來江城憑高弔古落日紫領客置酒開雲屏酒
酣點筆賦新句薄海傳誦令人驚憶我初遊白玉
京與君聯步趨承明手宣皇猷敷帝績濟濟學士

起勢突不通
首得勢

如登瀛一行竟墮萬里外回首滄浪思濯纓守官
區區事無補惟有白髮欺人生狎柯水外萬竹底
四時鳥語烟邊鳴忽忽此地復相見恍如幽夢求
仙靈中宵秣馬不遑暇君又北鄉予南征如茲後
會復何日念之使我雙涕零宮中聖人摠四溟所
過海岳須澄清鐵冠峨峨望天下青霄快展皆修
程由來豺虎伏仁獸况有鷹隼當秋橫明夜相思
隔雲鳥月落高臺聞笛聲

池館夜坐聽雨

更聲隨雨動譙門頗似聽泉宿楚原客裏青燈如

骨肉獨能相待向黃昏

秋日采詠奉和潘李二使君浦編修諸公八

首錄一

生也無涯死有涯。拋書幾擬問南華。要知立志非
多事。但使成言自一家。寒樹接天霜映鶻。涇蕪滿
地雨生蛙。相過儻遂携尊酒。檢按墻東野菊花。

奉和王繼學懷濟南舊游

每愁大手不如燕。多見公侯勝昔年。計拙欲求千
戶等。心勞政類十洲仙。幾回見月思歸去。暫到臨
風復惘然。剪盡綠楊三萬樹。多因無處著啼鶻。

流利輕圓彈丸脫手之妙

真摯

揭傒斯 十二首

病夜

素壁深窗獨客身。桃枝薑膾只為鄰。極慚供給煩
賢友。尚恐傳聞及老親。葢響戒寒相應起。燭花連
夜為誰新。多情造物真豪縱。盡力相驅病與貧。

寄題馮掾東臯園亭

時雨散繁絲。緒風滿平原。興言慕君子。退食在邱
園。出應當世務。入詠幽人言。池流澹無聲。畦蔬蔚
葱芊。高林麗陽景。羣山若浮烟。好鳥應候鳴。新音
和且閑。時與文士俱。逍遙農圃春。理遠自知簡。情

清潤清麗。謂如美女簪花者。即此可想。

元詩選 卷二
忘可避喧。庶云保貞和。歲暮委周旋。

何郎失鏡詞

團團如月不曾虧。家人親置枕中時。朝朝將正頭
上幘。時時携鑷鬢邊絲。古文宛轉何人造。失來始
覺今難討。街頭不直半緡錢。古銅終較今銅好。向
人不敢再三尋。客裏空疑向舍心。萬里相隨一朝
別。夜夜還瞻天上月。

高郵城

高郵城。城何長。城上種麥。城下種桑。昔日鐵不如。
今為耕種場。但願千萬年。盡四海外。為封疆。桑陰

陰。麥茫茫。終古不用城。與隍。

史館獨坐

地。曼天逾近。風高午尚寒。虛庭松子落。欹檻菊花
乾。撫卷俱千古。憂時有萬端。寂寥麟父筆。才薄欲
辭官。

歸舟

汀洲春草徧。風雨獨歸時。大舸中流下。青山兩岸
移。鴉啼木郎廟。人祭水神祠。波浪爭掀舞。艱難久
自知。

寒夜作

幽寂

元詩選卷二
疎星凍霜空。流月濕林薄。虛館人不眠。時聞一葉落。

進士張于高得邛州判官歸成都

邛竹山前負弩迎。去年曾是一書生。天寒劍閣猶車馬。雪滿繩橋正甲兵。即恐徵求民力竭。莫將憂患客心并。六千餘里關河路。不盡深期遠別情。

曹將軍下槽馬圖

曹霸畫馬真是馬。宛頸相摩槽櫪下。卓犖權奇果如此。豈有世上無知者。朱絲不是凡馬韁。天閑十二皆龍驤。曾從天子平四方。畫圖彷彿餘驪黃。華

有關係不是泛泛送行語

從少陵詩翻出凡詩文得翻案法便能無窮出清新

山之陽春草長。

趙孝子

以詩紀事朴質詳明首尾整齊語皆洗鍊非平鋪直叙者比張希孟長安孝子賈海詩多著議論遠不逮此

廬陵趙孝子。四歲父行賈。一去三十年。家惟大母母。大母已云沒。而父行不歸。兒長亦有嬾。母子聊相依。從父自北來。汝父久已死。母子哭相問。父死何鄉里。聞汝父死時。不知汝父處。汝但欲往問。京師多舊故。再拜別阿母。行行至京師。自念不見父。兒死無歸時。乃有曾長者。往昔與父善。言汝父死處。濱州利津縣。徒跣二千里。薄言至利津。朱琪張文輩。一一陳所因。死以某年月。葬以某木棺。姓名

元詩選 卷二
某所題。近在城南端。城南塚。累累翳然榛莽中。極目千萬塚。誰能識其蹤。行哭七日餘。欲死不得所。生者無由知。死者豈能語。解髮繫馬鞍。負之墳。墳過。吾父儻有知。髮解鞍自墮。俄至一墳前。鞍墮髮自解。開墳見前和題字。宛猶在。既見父姓名。痛絕心始安。函骨陳野祭。禽鳥聲為酸。鄰老四面來。驚歎未曾有。相帥報縣官。縣官駭之久。即日上大府。大府咸異之。次第聞中朝。行子正南馳。行子行且傷。踰如初喪。路遙山川阻。何時至故鄉。故鄉既云至。奠祭無違禮。母子永不離。萬事若流水。聞者

盡稱孝。見者皆感泣。期爾百世昌。望爾百祿集。兒今一無願。願母長不老。歲歲父墳前。灑飯墳上草。

和傳與礪

近日何多念。頻年不肯還。河流無故道。春色是他山。槩几看雲凭。衡門罷月關。無情寒與暑。偏解鑄衰顏。

過族姪

東面雲山有草堂。下臨池水即滄浪。草侵古道莓苔滑。花壓頽垣薜荔香。每訪所親皆異物。始驚為客久。殊鄉仲容兄弟賢。相映更為吾宗足感傷。

警動而句法極流轉

虞集 三十三首

高竹臨水上

高竹臨水上。幽花在崖陰。以彼貞女姿。當此君子心。春陽不自媚。夕露忽已深。湘妃昔鼓瑟。悵望蒼梧岑。

同閣學士賦金鴨燒香

黃金鑄為鴨。焚蘭夕殿中。窈窕轉斜月。逶迤動微風。綺席列珠樹。華燈連玉虹。無眠待顧問。不知清夜終。

退直同柯敬仲博士賦

元詩體要特載陰何體所錄文靖詩為多文靖詩有云少陵愛何遜太白似陰鏗亦舉其所好言之也以下五首工麗妍妙頗撫六朝而不墮脂

月下白玉階。露生黃金井。疎條棲寒鵲。衰蕙流螢冷。戀闕感時康。懷歸覺宵永。晨鐘禁中來。白髮聊自整。

步虛詞

步虛長松下。流響白雲間。華屋列燿火。明月懸珮環。肅然降靈氣。穆若愉妙顏。竹宮愴清夜。望拜久乃還。

寄陳衆仲助教上都作

學省足清晝。詞垣驚早秋。美人隔河漢。落月在高樓。持衣未成曲。吹笛不勝愁。還趨鳩鵲觀。別製鷓鴣

鶴裘

張令鹿門圖

張侯襄陽人。深知襄陽樂。十年宦學懷襄陽。故托
豪縑寫山郭。老我不樂思蜀都。人言嵩陽好隱居。
三十六峰常對面。水竹田廬還可圖。欲往不能心
慄慄。忽見新圖被山惱。沙禽浦樹俱可人。金澗石
牀為誰好。向來耆舊皆英雄。駕言從之道焉從。弄
珠月冷識遊女。沈劔潭深知臥龍。八月霜晴水清
淺。聞道扁舟足迴轉。何時古寺傍檀溪。幾處殘碑
在江峴。呼鷹臺高秋草多。養魚池中蓮芙蓉。蜀嵩

未必不如此。我今不遊奈老何。張侯張侯蚤結屋。
莫待史詹為君卜。要看隴上課兒耕。好在漁梁白
沙曲。

子昂墨竹

子昂画竹不欲工。腕指所至生秋風。古來篆籀法
已絕。止有木葉雕蚕蟲。黃金錯刀交屈鐵。大陰作
雨山石裂。蛟龍起陸真。宰愁雲暗蒼梧。泣湘血。吳
興之竹乃非竹。吳興昔年面如玉。波濤浩蕩江海
空。落月年年照秋屋。

画鶴

薛公少保昔画鶴。毛羽蕭條向寥廓。通泉縣壁久
微茫。故物都非况城郭。長鳴闊步貌閑暇。解寫高
情亦奇作。田中芝草日應長。石上松花晚猶落。赤
壁江深孤月小。白雲野迴秋霄薄。羣帝相從絳節
朝。八公許製黃金藥。誤嬰塵網迹易迷。移名中洲
夢如昨。借懸素壁憶真侶。忽有微風動林壑。碧虛
寥寥積雲高。直過蕭臺絕棲泊。

寄托處不脫
不粘

題柯博士畫

磯頭風急潮水長。蒹葭蒼蒼繫魚榜。青山一髮是
江南。白頭不歸神獨往。幽篁繞屋茅覆簷。木葉脫

蒼葭
故工

落秋滿簾。買魚沽酒待明月。定自黃州蘇子瞻。子
瞻文章世希有。謫向江波動星斗。夜按斷岬發清
嘯。棲鶻驚飛怒鮫吼。圖中風景偶相似。欣然揮灑
春雲開。子瞻應是念鄉里。還化江東孤鶴來。

代衆仲作

昔在泉州住。將軍每見招。春雲山對屋。夜雨水平
橋。池鴨穿荷葉。溪魚上柳條。禁城鐘鼓起。車馬晚
蕭蕭。

赤壁圖

過鶴生新夢。携魚憶舊遊。清霜凋木葉。落月湧江

流。隱者時堪訪。良田亦易求。如何玉堂夜。白髮不勝愁。

戲作試問堂前石五首 錄四

試問堂前石。來今幾十年。衰顏空兩雪。幽致自風烟。微醉寒堪倚。孤吟靜更眠。舊湖春水長。誰繫釣魚船。

為問堂前石。何年別太湖。春風神不王。夜月影長孤。不中明堂柱。空餘良嶽圖。頗思佳種木。歲晚與相扶。

碣石久淪海。女媧曾補天。乾坤遺蕞爾。霧雨護蒼然。淬劍龍隨化。彎弓虎自全。昔賢多賦此。誰賦最流傳。

為問堂前石。屢逢堂上人。遠來嗟最久。獨立與誰鄰。運載勞車馬。摩挲識鳳麟。鑿車書吉日。追琢到嶙峋。

代石答五首 錄一

轉徙寧論地。存留亦信天。露盤危欲折。劫火不同然。雒下殘經斷。岐陽數鼓全。向無文字托。寂寞竟誰傳。

送袁伯長扈從上京

本作山連閣
道晨留葦野
散周廬夜屬
囊天星二字
趙文敏所易
氣象較潤

元吉通 卷二
日。色。蒼。涼。映。赭。袍。時。巡。毋。乃。聖。躬。勞。天。連。閣。道。晨。
留。輦。星。散。周。廬。夜。屬。囊。白。馬。錦。韉。來。窈。窕。紫。駝。銀。
甕。出。蒲。萄。從。官。車。騎。多。如。雨。祇。有。楊。雄。賦。最。高。

次韻朱本初訪李溉之學士不遇

城。南。城。北。煖。塵。飛。伐。木。相。求。苦。未。歸。吟。到。碧。桃。還。
細。雨。行。尋。芳。草。又。斜。暉。綺。窗。綵。筆。題。詩。徧。斗。帳。沈。
香。入。袖。微。共。載。小。車。勝。止。馬。重。遊。莫。待。曉。紅。稀。

聽雨

屏。風。圍。坐。鬢。氎。絨。絨。絨。蠟。搖。光。照。莫。酣。京。國。多。年。情。
盡。改。忽。聽。春。雨。憶。江。南。

六序甚妙

題子昂春江聽雨圖

越。鳥。巢。南。枝。所。欲。得。於。江。湖。之。上。者。甚。不。
多。也。區。區。不。余。昇。觀。此。慨。然。

憶昔江湖聽雨眠。翩翩歸雁度春前。數株古木依
茅舍。老去何年踏釣船。

臘日偶題

舊時燕子尾毵毵。重覓新巢冷未堪。為報道人歸
去也。杏花春雨在江南。

和陳溪山韻

幽人慎素履。古道思獨往。瞋目登高臺。浮雲不足

又靖詩中多
見思歸之意

上丹砂煉仙骨。沆瀣濯神爽。遠懷澄江靜。耿若孤
月朗。河漢自傾注。山川邈遊想。歛迹倦飛翼。歸耕
故時壤。好風從東來。空谷感遺響。詔書薦遺逸。郡
府屬高仰。聊持東湖水。往助敬亭賞。

秋山行旅圖

春夏農務急。新涼事征遊。飯糗既盈橐。治絲亦催
裘。升高踐白石。降觀索輕舟。試問將何之。結客趨
神州。珠光照連乘。寶劍珊瑚鈎。乘馬垂首徂。縱目
上高邱。策名羽林郎。談笑覓封侯。夫行何崔嵬。日
暮推回輶。古木多悲風。長途使人愁。羸驂見木末。

足倦霜雪稠。谷口何人耕。禾麻正盈疇。出門不及
里。酒饌相綢繆。壯者酣以歌。期頗醉而休。安知萬
里事。有此千歲憂。

江貫道江山平遠圖

江參去世二百年。翰墨零落多無傳。人間幾人寫
山水。誰能意在揮毫前。昨見石林舊家物。春雷疊
嶂初破墨。我和葉詩頗豪放。三者相望都突兀。險
危易好平。遠難如此千里數。尺間高雲舒卷非散
地。麗日照耀皆名山。我持美脯酒一斗。墨汁盈盤
可濡首。江生精神作此山。向山平生當至否。高秋

銀漢天無雲。帷中冷然來夜分。黃茅嶺頭華蓋頂。畫我獨訪浮邱君。

山水圖

汎舟桑落浦。望見香爐峰。野水常欹樹。山雲不礙鐘。桃源携客覓。松徑與僧逢。為托荆關輩。添予九

節印。

撫郡天寧明極覺。講主陪敬齋。監郡奉祠華

蓋。特有高咏三讀敬。歎僕偶共清游。輒復

次韻。衰退不工。聊資笑粲。

三峰宮殿接新橋。十月長齋陟翠堯。朝步仍垂蒼

文靖律句工
麗秀潤其氣
韻且體盛唐
絕無儉父面
目

玉佩登歌。還引紫瓊簫。千枝絳蠟連虹貫。五色香雲向日飄。賴有高人陪後乘。輕清詩句似參寥。

送易用昭

詩成長是倩人書。最愛東家織翠裾。遠樹斷雲春雨外。華星明月晚涼初。滿窗柿葉題都徧。短帽梅花画不如。莫向墨池成久別。鷺羣還欲謝崇虛。

甲戌四月十七日至臨川冲雲寺祝聖壽齋

罷為賦此詩

郭西寺門雙石頭。水檻相對林塘幽。白花過雨落松。暝黃鳥隔溪鳴。麥秋衰朽虛蒙宣。室問淹遲寔

愛小山留為貪佛日同僧話滿袖天香念舊遊

聞機杼

伊亞機杼隔林幽夢覺江湖憶舊遊滿地月明涼似水數聲柔櫓過揚州

金人出塞圖

海風吹沙如捲濤高為陀磧深為壕築壘其上嚴周遭名王專居氣振豪肉食湮飲田為遨八月草白風颼颼馬食草實輕骨毛如弦試弓復置橐今日不樂心恹恹什什伍伍呼其曹銀黃兔鶻明繡袍鷓鴣小管隨鳴靴背孤向虛出北臯海東之鷲

筆力駿健有風雨馳驟之勢

王不驕錦鞬金鏃紅絨條按習久蓄思一起是時晶清天翳絕駕鶯東來雲帖帖去地萬仞天一瞥離婁屬望目力竭微如聞音鷲一掣束身直上不回折遂使孤飛一片雪頃刻平蕪灑毛血爭誇得雋頓足悅挂兔懸狼何足說旌旗先歸向城闕落日悲風起蕭屑烟塵滿城鼓微咽大酋要王具甘歡王亦欣然沃焦熱闕支出迎騎小驥琵琶兩姬紅顴頰歌舞迭進醉燭滅穹廬斜轉擢璣月

送韓伯高僉憲浙西

正月樓船過大江海風吹雨灑船窗雲消虹霓橫

六接不得弱
妙用流動之
筆工整中見
變化格律深
嚴漢庭走史
故非自負

好句

意到氣到神
到挽文山詩
此為第一

山閣潮落。鼉鼉避石。石闕下。諫書誰第一。濟南名士。舊無雙。湖陰暑退。多魚鳥。應勝愁吟對。怒瀧。

費無隱丹室

碧雲雙引樹重重。除却丹經戶牖空。一徑綠陰三月雨。數聲啼鳥百花風。年深不記栽桃客。夜靜長留賣藥翁。幾度到來渾不語。獨依秋色數歸鴻。

挽文山丞相

徒把金戈挽落暉。南冠無奈北風吹。子房本為韓仇出。諸葛寧知漢祚移。雲暗鼎湖龍去遠。月明華表鶴歸遲。不須更上新亭望。大不如前灑淚時。

滕王閣

城頭高閣插蒼茫。百尺闌干背夕陽。秋雨魚龍非故物。春風蛺蝶是何王。帆檣急急來彭蠡。車蓋童童出豫章。燈火夜歸湖上路。隔離呼酒說干將。

楊載九首

送淳安徐教諭之任

握手出南城。眷眷從此辭。蒼茫寒江色。日暮浮雲滋。大舟挾雙櫓。輕若駟馬馳。淳安衆才彥。竝遲得師資。擊鼓會高堂。帷帳春風吹。執經列座下。質問無留疑。平生五車書。少出胸中竒。歛然聽佳譽。庶

脫口而出穆
然古音仲宏
言詩當取材
漢魏而音節
則以唐為宗
然律詩固宜
宗唐若古詩
音節亦須從

物換星移尚
是千古套話

漢魏出不但
宜取材而已

用憚我思

題文丞相書梅堂

大厦就傾覆。難以一木支。維公抱忠義。挺然出天
資。死既得所處。自顧乃不疑。惻愴大江南。名與日
月垂。我行見遺墨。再拜墮涕洟。名堂有深意。亦唯
歲寒枝。可知平昔心。慷慨非一時。哦我著棟宇。昭
昭示民知。勿使風雨敗。永慰千古思。

送屠存博

君往金陵郡。於予亦有聞。海環平野盡。山出大江
分。未召元司馬。誰憐鄭廣文。自今師道立。章薦必

十字括多少
議論

元人律句不
患不華瞻正
患太濃不患
不精緻正患

方工仲宏曠
朗宏達獨不
作小家數

紛紛

冬至次韻張宣撫

北去關河遠。南歸歲月長。屠龍雖有技。相馬獨無
方。雲水連天暗。霜蕪滿地荒。客遊應未已。塵土在
衣裳。

題趙千里山水扇面歌

公子丹青藝絕倫。喜画江山上紈扇。祇今好事購
千金。四幅相連成一卷。春流漠漠如江湖。飛烟著
樹相。有無嵐光。注射翻長。虛白玉盤。浸青珊瑚。追
隨流俗轉蕭疎。對此便欲山林居。旂亭花發酒須

沽舟行為致雙提壺抱琴之子來相須醉歸不省
 何人扶旁有飛泉出巖隙掣電飛霜相盪激蛟龍
 不愛鯢桓食但見垂綸古盤石人生萬事無根抵
 出處行藏須早計一邱一壑倘如斯便可束書從
 此逝君不見鄭子真躬耕谷口垂千春毫芒世利
 能沒身汝胡齷齪為庸人

題温日觀葡萄

老禪嗜酒醉不醒強坐虛欄寫清影興來擲筆意
 茫然落葉滿庭秋月冷醉中捉筆兩眼花倚檐架
 子歌復斜翠藤盤屈那可辨但見滿紙生龍蛇

宗陽宮望月分韻得聲字

老君臺上涼如水坐看冰輪轉二更大地山河微
 有影九天風露寂無聲蛟龍並起承金榜鸞鳳雙
 飛載玉笙不信弱流三萬里此身今夕到蓬瀛

暮春遊西湖北山

愁耳偏工著雨聲好懷常恐負山行未辭花事駸
 駸盛正喜湖光淡淡晴倦憇客猶勤訪寺幽棲吾
 欲厭歸城綠疇桑麥盤櫻筍因憶離家恰歲更

到京師

城雪初消薺菜生角門深巷少人行柳梢聽得黃

高華吟亮即
 在唐音中亦
 是高調昔
 人稱仲宏詩
 亦以此作為
 第一

可擬天街小

雨之什

鵬語。此是來春第一聲。

黃潛二十首

西峴峰

層雲抱春岑。急瀨洩嵌竇。修蹊入窈窕。衆綠鬱以茂。名亭標水樂。折柱荒碑什。幽尋得緇廬。亂石扶結構。青精午堪飯。碧澗寒可漱。平生慕真賞。及此成邂逅。冥探指頂絕。有路忽通透。緣蘿度蒙密。翠氣溼衣袖。寄身沈寥內。下睨人寰陋。清謳雜風竹。大嘯落巖狖。東峰在眷睇。可望不可就。同遊却何時。瑶草春已秀。

晉卿詩氣骨
清高着語無
多自見稜稜
風格每於清
曠中特出警
策孤標挺秀
格製最高

夜興

秋氣入病骨。殘夢倏然驚。芭蕉葉間露。風過皆成聲。攬衣沈寥內。搔首天河橫。飢蟲語不休。中宵誰汝令。孤鴻亦何苦。犯霜度微明。悠悠念羣動。百感忽我并。大化倘不爾。吾其免營營。

晚泊釣臺下

四山環一水。遺臺故巒岼。那無漁樵居。正復不敢安。舍舟衝微雨。憑軒俯清灣。念昔乘興來。無從寄遊觀。今我亦有役。乃爾容躋攀。山靈豈愛我。為解塵土顏。落日奠蘋藻。清風聞珮環。幽尋不可極。林

泊釣臺詩不
着議論是避
道法

示詩選 卷二 十一
暝吾當還。却去望層碧。孤舟生晚寒。

秋夜觀書作

閑居感時駛。獨學難為功。眷言思古人。幽懷極冲
冲。秉燭起中夜。攬卷來清風。恭維千載心。皎潔懸
無窮。氓俗自升降。道妙非污隆。後來亦奚為。黑白
紛相攻。芳華乍可悅。軌轍何由通。吾將離言說。庶
以觀其同。所憂明為累。不懼蓄不豐。開軒視明河。
白月當天中。怡然掩書坐。夜氣方鴻濛。

覽元次山春陵行有感近事追和其韻以寓

鄙懷

亦徑離言說
不得

惟王始建官。民命有所司。奈何閱流殍。束手無一
施。屬者秋夏交。上狀殊酸悲。赤日紛按行。人馬同
時疲。連阡見標榜。不救飢與羸。仍聞恣鞭箠。慘切
傷膚皮。檢覈須再三。供帳常恐遲。哀哀鬻兒女。買
買行安之。感茲欲無訴。既往何由追。尚慚噢咻恩。
稍緩租稅期。云胡有倉卒。徵斂更相隨。但將充其
數。肯復計爾貲。肉食不自鄙。謂我非敢知。棲棲甌
石儲。剝割無或遺。言是鄰壤凶。藉此敷恩慈。寧知
是州人。俟死無他為。出語餘喘息。行步須扶持。猶
今比樂土。疾苦喘謂誰。俛首州縣間。道責自有宜。

元詩選 卷二
况迫大府令。聯絡飛符移。豺狼方在郊。鷹隼宜用
時。區區獮狐兔。政爾何增虧。吾賤不及議。為君陳
苦辭。

游西山同項可立宿靈隱西菴

薄遊厭人境。振策窮幽獨。理公所開鑿。遺跡在巖
麓。秋抄霜葉丹。石面寒泉綠。仰窺條上猿。攀蘿去
相逐。物情一何適。人事有羈束。却過猊峰迴。遙望
松林曲。前山夜來雨。濕雲漲崖谷。縹緲辨朱甍。禪
房帶脩竹。故人丹邱彥。抱被能同宿。名篇聊一咏。
異書欣共讀。蹉跎未聞道。黽勉尚干祿。夙有邱壑

諸作規撫少
陵而氣力雄
厚不遜其中
警秀處如水
淨沙明雲峰
特起

期。吾居幾時卜。

居庸關

連山東北趨。中斷忽如鑿。萬古爭一門。天險不可
薄。聖人大無外。善閉非捷鑰。車行已方軌。關吏徒
擊柝。居民動成市。廬井互聯絡。幽龕白雲聚。石磴
清泉落。地雖臨要衝。俗乃近淳樸。政須記桃源。不
必銘劔閣。僕夫蹠謂我。無為久淹泊。山川豈不好。
但恐風雨惡。

李老谷

緣崖一徑微。入谷雙崦窄。密林日易昏。况乃雲雨

積行人望烟火。客舍依山色。家僮爲張燈。野老煩
避席。未覺風俗殊。祇驚關河隔。嚴程不可緩。子規
勿勸客。

赤城

雞鳴秣吾馬。晚飯山中行。何以慰旅懷。赤城有嘉
名。灘長石齒齒。樹細風冷冷。時見巖壁間。粲若丹
砂明。溫泉發其陽。撫訶勤百靈。前峰指金閣。真境
標殊庭。白道人跡稀。青崖雲氣生。信羨無少留。緬
馬起深情。

擔子窪

自從始出關。數日走崖谷。迢迢度偏嶺。險盡得平
陸。陂陀皆土山。高下紛起伏。連天暗豐草。不復見
林木。行人烟際來。牛羊雨中牧。颯然衣裳單。咫尺
異寒燠。佇立方有懷。相逢仍問俗。畏途宜疾驅。更
傍灤河宿。

題清華亭

名區滙脩渚。流望依平陸。飛雨天際來。遠峰淨如
沐。生香餘晚花。繁陰藹嘉木。秀色坐可攬。終然不
盈掬。觸景幽興多。接物道機熟。誰能與之游。食芳
飲山淥。

二語入畫

高秀虜頗似
襄陽

曉行湖上

曉行重湖上。旭日青林半。霧露寒未除。鳧鷖靜初散。黃緣際餘景。閃倏多遺玩。會心乍有得。撫已還成歎。夙予丹霞約。久茲芳洲畔。獨往願易違。離居歲方換。沙暄芷芽動。春遠川華亂。存期乃寂寞。取適豈爛熳。小隱倘見招。漁樵共昏旦。

可憐行

紅顏白面可憐子。杖藜飢走荒山裏。翠眉新婦雪色兒。掩袖嬌啼瘦如鬼。道傍朱門照霜戟。腸斷汝翁呼不起。金魚象笏供樗蒲。紈袴終然愁餓死。春

富貴家兒落魄如此從少語翻案尤警絕

風秋月夜思多。嗟汝少年奈老何。

秋懷

稍稍秋河落。娟娟宿露微。天清江不息。野迥樹相依。回首狂歌數。驚心昨夢非。流螢無思極。巧入絳帷飛。

陪仇仁父先生登石頭城

談笑逢諸老。登臨失故亭。薄游成汗漫。高步覺玲。峽水通吳白。淮山入楚青。平生一杯酒。及此慰飄零。

抱琴

高步句有意味接復壯闊通首振起

淡若無意却
雅切

三尺枯桐樹。相隨年歲深。此行端有意。何處托知音。隱隱青山夜。寥寥太古心。空攜水仙曲。更向海中岑。

上巖寺訪一公

曉色微茫尚帶星。修蹊犖确斷人行。獨支瘦竹身猶健。高入重雲地忽平。落月正當山缺處。細泉頻作雨來聲。上方燈火青休曲。隱隱疎鐘一再鳴。

清景得妙筆
寫之

題觀海圖

章法縱橫流
宕要不過以
真景托出風
景題畫詩多

昔年解纜峯江上。初日團團水底紅。鼉吼忽搖千尺浪。鷓飛仍挾半帆風。遙看島嶼如星散。祇謂神

此法而變
仁不同

有感

仙有路通及此棲。身萬人海舊遊却在回。圖中漢室需材拔隱淪。販繒屠狗各求伸。可憐風雪南山下。別有當年射虎人。

客夜偶書

歷歷疎螢度眼明。獨搘高枕數殘更。薄遊已倦新彈缺。舊業猶餘未棄縈。一雨送晴初月色。百蟲專夜故秋聲。情知三十非年少。已覺人間有後生。

歐陽玄 六首

雪夜訪戴圖

元功詩頗近
顏唐錄數絕
句要亦非佳
草也

雪夜操身童僕勞。偶然歸去便稱豪。若為返棹成
佳趣。轉憶當時不出高。

京城雜詠

玉堂集日列金羈。學士新兼祭酒時。五百書生祭
講遍。八磚花影最來遲。

龍笙鳳管舞輕盈。步陣遊看花滿城。行到瓊林春
更好。新來進士唱名聲。

鰲山宴罷月溶溶。太液池邊湛露濃。不用金蓮送
歸院。水晶宮出玉芙蓉。

京城走馬聽晨鐘。我亦宵征僕興慵。却憶江南春

睡美。小樓歌枕聽邗春。

奉詔修書白玉堂。朝朝騎馬傍宮牆。柳河東畔垂
楊柳。時有鶯聲似故鄉。

卷三
吳師道十二首

周權八首

朱德潤二首

陳泰二首

杜本一首

方瀾一首

許謙三首

李存一首

趙偕一首

岑安鄉八首

洪希文一首

袁士元四首

張端二首

泰不華一首

元詩選卷三

無錫顧奎光星五選輯

陶 瀚 昆 謀
陶 玉 禾 昆 穀
叅 評

柳 貫 十六首

奉皇姑魯國長公主教題所藏巨然江山行

舟圖

善。画。如。攻。詩。意。到。即。奇。警。蓋。其。疎。雋。姿。筆。墨。無。容。
騁。歛。之。縑。楮。間。咫。尺。萬。里。景。巨。然。作。江。山。所。得。盡。

道逸

淡月向寫梅
花極清遠

元詩選 卷三
的。矚。繁。枝。亂。插。更。淒。涼。蒼。烟。掛。樹。多。疑。夢。淡。月。窺。
林。稍。覺。香。正。為。先。生。行。役。苦。故。留。皺。玉。薦。奚。囊。

題立仗馬圖

玉立彤墀氣尚麤。食殘芻豆更何須。太平未必閑。
無用一幅君王納諫圖。

薩都刺 十九首

鼎湖哀

荆門一日雷電飛。平地豎起天王旗。翠華搖搖照
江漢。八表響應風雲隨。千乘萬騎到闕下。京師亦
覩龍鳳姿。三軍卵破虎北口。一矢血洗潼關屍。五

此為文宗晏
駕作將軍謂
燕帖鐵木兒
文宗崩燕鐵
兒請立皇
孫古思

皇后不可乃
立明宗幼子
廊王一月殂
后命迎明宗
長子安歡鐵
木爾於靖江
至京師久不
得立燕鐵木
兒死乃得立
是為順帝

年晏然草不動。百穀穰極風雨時。修文偃武法古
道。天濶萬丈奎光垂。年年北狩循典禮。所有雨露
天恩施。宮官留守埽禁闕。日望照夜隨金羈。西風
忽湧鼎湖浪。天下草木生號悲。吾皇騎龍上天去。
地下赤子將安依。吾皇想亦有遺詔。國有社稷燕
太師。太師既受生死托。始終肝膽天地知。漢家一
線繫九鼎。安肯半路生狐疑。孤兒寡婦前日事。况
復將軍親見之。况復親軍親見之。

芙蓉曲

秋江渺渺芙蓉芳。秋江女兒將斷腸。絳袍春淺護

楊鐵崖稱天
錫詩風流俊

真如芙蓉曲
雖王建張籍
無以過之

元選詩 卷三

雲暖翠袖日莫迎風涼。鯉魚吹浪江波白。霜落洞庭飛木葉。盪舟何處采蓮人。愛惜芙蓉好顏色。

北風行送王君實

北風日日吹浮雲。西南一星光射門。出門見客箝口坐。打馬送君收淚痕。箝口祇自知。吞淚竟何益。木葉下玄霜。日日北風急。北風吹淺淮水波。坐見白日愁雲多。九關虎豹臥不動。奈爾狐狸燕雀何。

宿臺城山絕頂

江白潮已來。山黑月未出。樹杪一燈明。雲間人獨宿。近水星動搖。河漢下垂屋。四月夜寒深。繁露在

清絕 天錫
詩有秀骨有
清氣不是一
味濃麗故佳

修竹

登樂陵臺倚梧桐望月有懷南臺李御史藝

七夕後一日也

涼風吹墮梧桐月。瀉水冷冷露華白。樂陵臺上悄無人。獨倚梧桐看明月。月高當午。桐陰直。不覺衣沾露華濕。此時却憶在金陵。酒醒江樓聽吹笛。

中秋前二夜步至吳江垂虹橋盪湖渚而

歸倚篷望月清興翛然因成數語

萬頃太湖風浪靜。玻璃倒浸虹蜺影。漾漾露滴金波流。一筇獨立秋雲冷。步回長嘯倚篷窗。月華正

清骨稜稜
而不縟

元選詩 卷三

在青霄頂。

過嘉興

三山雲海幾千里。十幅蒲帆挂烟水。吳中過客莫
思家。江南面船如屋裏。蘆芽短短穿碧沙。船頭鯉
魚吹浪花。吳姬盪漿入城去。細雨小寒生綠紗。我
歌水調無人續。江上月涼吹紫竹。春風一曲鷓鴣
吟。花落鶯啼滿城綠。

野潛堂

高隱有深意。情閑直萬金。溪魚鮮作鱸。竹筍長成
林。鶴有還巢夢。雲無出岫心。讀書風雨夜。燈火野

堂深。

臘盡過練湖

獨倚牙樁數客程。殘年風景足鄉情。寒天半夜無
人語。明月滿船聞雁聲。雲外好山如有約。煙中野
樹不知名。明朝烏鵲橋頭鬧。應是人家出戶迎。

至龍潭驛

野草山花知姓名。人生縱跡似浮萍。帆衝細雨空
江白。鳥沒長淮遠樹青。今夜故人離水驛。明朝別
酒盡沙瓶。忽忽又入丹陽去。莫鼓晨雞已候聽。

三益堂芙蓉

情在景中

斑簾十二捲輕碧。秋水芙蓉隔画闌。繡扇搖風霞
透影。錦袍弄月夜生寒。湘菟翠袖留江浦。仙掌紅
雲濕露盤。只恐淮南霜信早。絳紗籠燭夜深看。

層樓晚眺

盛唐高响

廣寒世界夜迢迢。醉拍闌干酒易消。河漢入樓天
不夜。江風吹月海初潮。光搖翠幕金蓮炬。夢斷涼
雲碧玉簫。休唱當時後庭曲。六朝宮殿草蕭蕭。

遊會仙宮

天錫短句絕
有丰韵

霏霏涼露溼瑤臺。半夜吹簫月下來。山外春風將
雨過。滿庭撩亂碧桃開。

題范陽驛

長路風寒酒力醒。馬頭歲月短長亭。凍雲欲雪風
吹散。望出西山一半青。

題淮安壁間

魚蝦潑潑初出網。梅杏青青已著枝。滿樹嫩晴春
雨歇。行人四月過淮時。

次程宗賜

一冬雨雪天涯客。千里雲山馬上詩。記得小紅樓
畔夢。杏花春雨早寒時。

寄王御史

妍秀情韵
佳絕然亦近
於詞矣

元詩選 卷三
御史傳天語。飛霜到海垠。浙江潮似雪。閩土臘如春。孤客見明月。亂山愁遠人。何時動歸興。家有白頭親。

章貢道中

多情明月落船傍。萬里孤城望帝鄉。客裏已無金馬。詔篋中猶有賜衣香。嶺南地溼家山莫。天上風微殿閣涼。憶得當年曾夜直。玉龍銀箭漏聲長。

秋詞

清夜宮車出建章。紫衣小隊兩三行。石闌干畔銀燈過。照見芙蓉葉上霜。

有慈闈之意

宋 元 十六首

烏夜啼

馮海粟云子虛烏夜啼公無渡河戰城南公莫舞至安薄命古研歌諸詩皆古錦神林鬼塚外帶三分鳳麟洲上飛仙羽翻骨力

露華洗天天墮水。燭光燒雲半空紫。西施夜醉芙蓉洲。金絲玉簧咽清秋。鞞鼓鞭月行春雷。洞房花夢酣不迴。宮中夜夜啼棲鳥。美人日日歌吳歛。吳王國破歌聲絕。鬼火青螢生碧血。千年壞冢耕狐兔。烏銜紙錢掛枯樹。燭髻無語滿眼泥。曾見吳王歌舞時。烏夜啼啼為誰。身前歡樂身後悲。空留瑟怨傳相思。烏夜啼啼別離。

公無渡河

元詩選 卷三
九龍爭珠戰淵底。洪濤萬丈湧山起。鱷魚張口奮
靈齒。含沙射人毒如矢。寧登高山莫涉水。公無渡
河公不可止。河伯娶婦蛟龍宅。公無白壁獻河伯。
恐公身為泣。珠客公無渡河公不然。憂公老命沈
黃泉。公沈黃泉公勿怨天。

長門怨

金壺咽淚蓮花澀。銀箭浮遲渴烏泣。知更阿監羅
襪冰。暝對星河玉階立。內官唱漏催曉籌。芙蓉夢
破燕支愁。起來妝罷窺繡戶。三十六院殘燭幽。建
章風傳鳳吹遠。翠華晨幸昭儀館。篋篋不語心自

元人學義山
長古者不少
子虛詩學長
古乃真得之
精警奇麗不
獨文道而未
肯出其牛鬼
蛇神之習

語愁長。如天恨。天短紅裯暖。踏楊花雪。絳縷開封
守宮血。鸚鵡空猜警蹕聲。春寒緊護流蘇結。

玉津園棄景鐘歌

炎精不靈火不德。赤熒怒帝喪英魄。羿弓射日日
無光。黃金大鏞破釜色。天崩七廟移神虛。鬼哭長
陵一杯土。十二盤傾夜月寒。漢銅仙人淚如雨。六
龍屈曲眠秋草。艸艸根蟪蛄語昏曉。紫苔滿地愁古
春。東風吹得乾坤老。蝸涎鳥篆銀泥剝。烏啄蒲牢
戲左角。更殘漏斷聲莫聞。凡雞司晨尊鐵鐸。

妾薄命

與轉如珠

元詩選 卷三
雲母屏。琢春冰。鮫女織綃蟬翼輕。比妾妾薄命。比君君薄情。紅綿拭錦照膽明。還疑妾貌非傾城。傾城從來有人。妙况復君心。不如故。故人心尚峰。九疑新妾。那能無故。時補天天高。填海海深。不食蓮葍。不知妾心。

古硯歌

奇光異彩竟
體不凡其古
錦囊中物也

神媧踏雲補天去。遺下一團蒼黑天。千年萬年乾不得。長帶盤古青紫煙。玉工剖天天化石。石內星精有餘魄。瑤光發炯成禹壁。海王川后輸玄液。帝青呵霧坤倪溼。匣月不開太陰泣。破天殘缺無人

補一穴。絲絲漏。春雨空藏老石磨。今古補天何時與天語。

李翰林墓

一騎紫鯨去。空掩謝山瑩。落月今誰弔。長庚夜自明。乾坤沈秀氣。江水帶哀聲。天上多官府。文章不可輕。

次友人春別

波流雲散碧天空。魚雁沈沈信不通。楊柳昏黃晚。西月梨花明白夜。東風秋千庭院人。初下春半園林酒。正中背倚闌干思往事。画樓魂夢可曾同。

氣調高更妙
於切

海魚盛稱此
詩中聯高季
地評其詩澹
蕩道逸於虞
揚范揭外別

樹一宗亦篤
論也

亦常意而語
自遠

元詩選

卷三

寄王子長

薄宦仍依楚。長闌傍酒壚。客愁三月盡。春夢五更初。吟卷看花掩。行牀並竹鋪。江湖有佳句。知我每相於。

淵明

心寄羲皇上。生逢晉宋時。風流千古意。只有杜鵑知。

梁隆吉遺馮筆并詩答以長句

吳剛夜入廣寒闕。生擒老兔出秋月。嫦娥泣雨蟾影孤。靈藥不舂玉杵歇。桂花凝毫扶蒼綠。蜀絲纏

金縷。湘竹紫蘭蕊。笑春風愁。蓮花仙冠墜。簪玉松
腴點。漆光照眸。藤肪搗雪滑。欲流樂毅小帖排銀
鈎。天馬歷塊無九州。夢中忘筆那有花。古錐畫地
飛龍蛇。覺來尋錐亦無處。但見鳥迹留平沙。

初夏別業

別墅清深無俗人。蛛絲窗戶網遊塵。綠陰鏤日新
歡。夏紅雨。鑿花故惱春病去。情懷逢酒惡。困來天
氣與茶親。壁間烏帽長閒却肯學陶家戴漉巾。

春日野步書田家

翳日橙陰翠幄遮。葑園高下奕枰斜。陂塘幾曲深

懸痕未化然
剗琢至矣子
虛詩如紅黃
霜樹珊瑚海
黑白雲花玳
瑁天煙開霧
歛天晶彩海
靜江澄地典
型便是低調
真率更好

七行卷

卷三

高

元詩選 卷三
淺水桃李一溪紅。白花頰尾自跳魚。放子綠頭相
並鳴。眠沙春郊景物堪。圖寫輸與煙樵雨牧家。

書趙集賢詩翰後

九天宮闕鬱嵯峨。公昔騎龍上大羅。文在玉堂多
煥爛。淚經銅狄一滂沱。原陵禾黍悲。艷鎬人物風
流繼。永和今日吳牋拜遺墨。只堪哀怨不堪歌。

西湖

故都日日望迴鑾。錦繡湖山醉裏看。戀着銷金鍋
子暖。龍沙忘了兩宮寒。

月上人還西湖

怨之惜之一
一俱有妙於
立言文敏詩
委悽惋黍離
麥秀未必忘
情此作不發
微意

幽寂盡深山
夜靜之景

南峰歸度夏。舊業在煙霏。半夜聞清磬。一燈明翠
微。雲蘿尋寺遠。猿狖見人稀。想到經行處。天花繞
錫飛。

陳

旅

五首

為蕭元泰題龍虎山巖圖

龍虎之山仙所寰。我昔夢寐遊其間。乾坤風氣結
冲秀。中有正一玄都壇。羽人授我九節杖。林磴窈
窕窮幽攀。金宮藥殿起寥廓。翠崖丹巘深迴環。峰
頭時飄白菡萏。石上盡種青琅玕。諸巖一覽二十
四。總似瀛渚蓬萊山。清溪浮空引雪練。遠岫隔水

來煙鬢就中仙巖更奇絕。上有玉樹皆檀欒。虹光
 半夜出林杪。云是石室韜神丹。欲求刀圭已衰疾。
 羽人去我如飛翰。褰裳澗曲采芳草。斷猿踈雨春
 山寒。覺來俗事日滿眼。歲月冉冉隨驚湍。會稽蕭
 氏忽相訪。笑以此圖令我看。夢中羽人貌真似。而
 我別後鬢毛斑。題詩聊復記疇昔。願拂塵服齊驂
 鸞。

題秋山圖

之子托冲隱。秋山樓觀深。矧茲及霜晨。遐矚沈氛
 陰。翠巘含白雲。丹楓映青林。靈谿鳴石溜。野屋負

監丞清勁不
失雅調

層岑。趨喧事多違。即曠恒愜心。何哉芳月宴。而我
 阻幽尋。

海谷

歸墟谷在渤海東。八紘之水注其中。不盈不縮浩
 無際。吞吐日月含空濛。靈鼇於此負山出。上有縹
 緲金銀宮。人間相去幾萬里。弱水滿眼多迴風。琴
 高來時踏赤鯉。少君歸去乘白鴻。秦皇到老不得
 渡。嗟我欲往將焉從。子房有孫海谷子。告我有路
 非難通。只隨雲氣相上下。與子共謁扶桑公。

次韻阿容參政省中夜坐

元詩選 卷三
上國羣公集。秋深画省開。虛簷河影近。涼苑樹聲來。獨坐多幽趣。高吟有逸才。平明當獻納。騎馬踏輕埃。

江城即事

江城十日九風雨。騎馬出門行紫苔。春草綠時猶作客。雲山多處忽登臺。青青野竹題詩去。小小吳姬喚酒來。漠漠候車乘早發。城東昨夜杏花開。

張翥 十一首

送黃中玉之慶元

昔我遊四明。壯觀真海波。褰裳寶山頂。曙色寒嵯

我日輪鎔生金。涌出萬丈渦。雲起忽破碎。朱光相盪摩。決皆蓬萊宮。携手扶桑柯。羣仙迎我笑。佩羽紛傞傞。颶風歛驚潮。騰擲鱷與鼉。浮槎徑可擊。從此超天河。精神動百靈。上下煩為訂。歸來已十載。遠夢時一過。君家賢父兄。儒術傳世科。薄言捧省檄。舶署聊婆娑。是邦控島夷。走集聚商舸。珠香雜犀象。稅入何其多。權衡較低昂。心計寧有訛。資閱須歷試。壯圖詎蹉跎。維君官事隙。為訪巖之阿。懸應仙者徒。往往嘯且歌。遐征渺不見。空響遙相和。因聲兩黃鵠。持我紫玉珂。豈無滄洲興。奈此塵劫

何。元詩選 卷三
發古城鋪
黃蒿古城風捲沙。澗頭衰樹啼寒鴉。歲云暮矣霜
露積。夜如何。其星漢斜。滿衣落月行人起。馬上夢
魂猶在家。

范寬山水

憶昔往尋剡中山。南明天姥相縈盤。客路上頭穿
鳥道。行人脚底踏風湍。且寒露重多成雨。洩霧濛
雲互吞吐。什夫相呼巖壑間。空響磨人作人語。溪
窮斷岬地忽平。石門壁立如削成。隔水無數山花

明中有人家。雞犬聲向來。老眼曾到處。此境俱作
桃源行。百年留在范寬筆。水墨精神且蕭瑟。上有
翰林學士之院章。恐是宣和舊時物。林猿野鶴應
自在。令我相見猶前日。時平會乞閑身歸。一壑得
專吾事畢。

休洗紅 二首

休洗紅。洗紅紅在水。新紅換作裳。舊紅翻作裏。回
黃倒綠無定期。世情翻覆君所知。
休洗紅。洗紅紅減色。雖好不如新。著時須愛惜。阿
母嫁女不擇人。雞飛狗走長苦辛。

元選詩 卷三
五牧 宋將尹玉投常州戰死於此

苦戰勤王事。精魂泣鬼雄。壞城兵氣黑。遺鏃血花紅。故老談亡國。明時錄死忠。長吟一搔首。落日鳥呼風。

七憶錄一

憶維揚

蜀岡東畔竹西樓。十五年前爛熳遊。豈意繇華今劫火。空懷歌吹古揚州。親朋未報何人在。戰伐寧知幾日休。惟有滿襟狼籍淚。何時歸灑大江流。

秋日陪吳興諸公宴魯公池上

二整中能流
轉

芙蓉池上會羣公。滿意華筵笑語中。虹影連蜷山外雨。荷香澹蕩晚來風。歌催銀甲箏逾急。涼入金尊露易空。我亦玉堂揮翰手。題詩合在水晶宮。

中秋張外史招賞月失約賦以謝之

明月中天霧氣消。酒醒涼思正飄飄。星河不動秋空濶。鐘鼓無聲夜寂寥。露下遠山皆落木。風來滄海欲生潮。仙家玩事無緣到。虛負瓊樓聽玉簫。

浮山道中

處處人煙有酒旗。棟花開後絮飛時。一溪春水浮黃頰。滿樹暄風叫画眉。入境漸聞人語好。看山不

高亮

感慨時事妙
於蘊藉

厭馬行遲。江離綠徧汀洲外。擬折芳馨寄所思。
聞歸集賢遠引奉簡一章

故舊相看逐逝波。思歸無路欲如何。將軍每歎檀
公策。朝士徒悲穆氏歌。南海明珠來貢少。中原健
馬出征多。先生自說將高舉。不遣冥鴻到尉羅。

露坐

官街人靜鼓鼕鼕。獨坐中庭滿扇風。墮地一絲和
露溼。青蟲絲在月明中。

貢師泰十首

遣懷

日入柳風息。月上花露多。東軒頗幽敞。夜靜時一
過。鳥散庭中樹。蟲鳴階下莎。北斗何低昂。疎星沒
橫河。獨賞誰晤語。感慨成悲歌。懷哉巖桂臺。邈在
姑山阿。

題張子英閒止齋

薄宦非夙志。况復多艱難。力辭乃得去。羈紲庶少
寬。就屋西溪上。聊以挂余冠。住久隣里狎。盃酒亦
盡歡。開軒望遠岫。時見孤雲還。人生徒擾擾。意適
心自安。君亦何為者。而能蚤休官。

送劉子還江右

忽插比興猶得古意

晨飈起庭柯。落葉當階積。流光儵云變。感此送行客。遠行歸無期。况與親友隔。潛魚無縱鱗。倦鳥思歛翼。物理且如此。人事徒役役。徘徊激中腸。衣上霜露白。

秋夜和韓與玉

閑淡極墓章柳

齋居在城西。庭戶頗幽敞。涼風起高樹。落葉時時響。境靜人少來。理悟心自賞。方忻結同盟。慎勿成獨往。

段節婦吟

河可塞。山可移。志不可奪。義不可虧。妾為段家婦。

雄壯突然而起尤有氣力

年紀方及笄。上堂奉翁姑。入室携兩兒。兒死夫亦死。此生將何為。昔如雙鴛鴦。今日為孤雌。昔如三春花。今日成枯枝。寒風吹短髮。明月照空幃。百年在世能幾時。父兮母兮不我知。青天在上將誰欺。

遊江陰君山

孤嶂臨滄海。千山湧大江。遠帆歸市獨。高塔倒波雙。鷗鷺爭洲渚。蛟龍怒石缸。壯遊心未已。飛雨灑樓窗。

興化潯州島祠天妃還

夜宿吳江上。朝行莆海東。地偏元少雪。天濶自多

元詩選 卷三
風不見波。濤險寧知造化功。百年神女廟。長護海霞紅。

赤城

山近雲連驛。沙虛雪擁邨。瓠壺縣穀種。土銚爨柴根。凍雀來依幔。晨雞立傍門。客中甘澹泊。不必問盤餐。

風涇舟中

白髮飄蕭寄短蓬。春深盃酒憶曾同。落花洲渚鷗迎雨。芳草池塘燕避風。烽火此時連海上。音書何日到山中。故人別後遙相望。夜夜空隨斗柄東。

寫山邨野店之景極確極工少陵吳楚東南坼。乾坤日夜浮。浩然氣蒸雲夢澤。波撼岳陽城。下聯不復寫景不特避複上知無以復過上聯振作不起也。温飛卿雞聲茅店一聯已稱絕。

西湖竹枝詞

葛嶺東家是相門。當年甲第入青雲。樓船撐入裏湖去。可曾望見岳王墳。

廼賢八首

賦環波亭送楊校勘歸豫章

積水敞華構。參差帶幽壑。微風動輕蘋。綠雲泛珠箔。天空夕陰斂。川迴游鱗躍。徘徊滄洲夢。露下翠衾薄。公子屬鳴珮。逍遙陟延閣。微吟省樹移。緩步庭花落。放舟泛春渚。言恣林泉樂。揮觴靡可留。悵望青山郭。

調讀其榭葉。枳花句不免。索然矣。此詩五六亦未變化。

次段吉甫助教春日懷江南韻

花底開尊待月圓。羅衫半浥酒痕鮮。一年湖上春如夢。二月江南水似天。修禊每懷王逸少。聽歌却憶李龜年。卜隣擬住吳山下。楊柳橋邊艤画船。

新鄉媪

蓬頭赤脚新鄉媪。青裙百結邨中老。日間炊黍餉耕夫。夜紡棉花到天曉。棉花織布供軍錢。借人輾穀輸公田。縣裏公人要供給。布衫剝去遭笞鞭。兩兒不歸又三月。祇愁凍餓衣裳裂。大兒運木起官府。小兒擔土填河決。茅欄雨雪燈半昏。豪家索債

蓋耘夫云質而婉豐而不浮其旨歸於諷諫

自號新妍

子威云狀物寫景之工。回詩家之極。而係於風

頻敲門。囊中無錢甕無粟。眼前只有扶牀孫。明朝領孫入城賣。可憐索價旁人怪。骨肉分離豈足論。且圖償却門前債。數來三日當大年。阿婆墳上無紙錢。涼漿澆溼墳前草。低頭痛哭聲連天。恨身不作三韓女。車載金珠爭奪取。銀鐙燒酒玉杯飲。絲竹高堂夜歌舞。黃金絡臂珠滿頭。翠雲繡出鴛鴦綉。綉醉呼闍奴解羅幔。牀前爇火添香篝。

潁州老翁歌

潁州老翁病且羸。蕭蕭短髮秋霜垂。手扶枯杖行復却。撥瓢勺食河之湄。我哀其貧為顧問。欲語哽

化補於政治
尤作者之至
言易之此詩
豈得之矣

叙述時事一
老健

元詩選 卷三
咽吞聲悲。自言城東昔大戶。腴田十頃桑陰圍。闔
門老稚三百指。衣食儘足常熙熙。河南年來數亢
旱。赤地千里黃塵飛。麥禾槁死粟不熟。長鑿挂壁
犁生衣。黃堂太守足。宴寢鞭扑百姓窮膏脂。聒天
絲竹夜酣飲。陽陽不問民啼飢。市中斗粟償十千。
飢人煮蔗供晨炊。木皮剝盡草根死。妻子相對愁
雙眉。鵠形累累口生皸。鬻割餓草無完飢。姦民乘
隙作大盜。腰弓跨馬紛馳驅。嘯呼深林聚克惡。狎
弄劔槊搖旌旗。去年三月入州治。踞坐堂上如熊
羆。長官邀迎吏再拜。餽送牛酒羅階墀。城中豪家

盡剽掠。况在邨落人煙稀。裂囊剖筐取金帛。煮雞
殺狗施鞭笞。今年灾虐及陳潁。疫毒四起民流離。
連邨比屋相枕藉。縱有藥石難扶持。一家十口不
三日。藁束席捲埋荒陂。死生誰復顧骨肉。性命喘
息懸毫釐。大孫十歲賣五千。小孫三歲投清漪。至
今平政橋下水。髑髏白骨如山崖。繡衣使者肅風
紀。下車訪察民瘡夷。綠章陳辭達九陛。徹樂減膳
心憂危。朝堂雜議會元老。恤荒討賊勞深機。山東
建節開大府。便宜斬磔揚天威。親軍四出賊奔潰。
渠魁梟首乾坤夷。拜官納粟循舊典。戰士踴躍皆

歡怡。淮南私廩久紅腐。轉輸豈惜千金資。遣官巡
行勤撫慰。賑粟給幣蘇民疲。獲存衰朽見今日。病
骨尚爾難撐持。嚮非聖人念赤子。填委溝壑應無
疑。老翁仰天淚如雨。我亦感激愁歔歔。安得四海
康且阜。五風十雨斯應期。長官廉平縣令好。生民
擊壤歌清時。願言觀風采詩者。慎勿廢我潁州老
翁哀苦辭。

李老谷

高秋遠行邁。入谷雲氣暝。稍稍微雨來。漸怯衣裳
冷。縈紆青崦窄。杳靄煙竹迴。峰迴稍開豁。夕陽散
微影。霜葉落秋澗。寒花媚秋嶺。窮途見土屋。人煙
雜墟井。平生愛山癖。惕此愜幽靜。月落聞子規。懷
歸心耿耿。

獨石

停驂眺青林。獨石當廣路。峨峨龍君祠。殿屋隱朝
霧。前山過微雨。暝色起高樹。溪灣夕溜清。巖竇寒
雲聚。東園有陵寢。龍虎蔚盤踞。行人下馬過。斂衽
夙驚懼。涼風吹華髮。感激歲年暮。悵望南天雲。徘
徊不能去。

黃金臺

慷慨

落日燕城下。高臺草樹秋。千金何足惜。一士固難求。滄海誰青眼。空山盡白頭。還憐易河水。今古只東流。

秋夜有懷明州張子淵

雲表銅盤挹露華。高城涼冷咽清笳。弓刀夜月三千騎。燈火秋風十萬家。夢斷佳人彈錦瑟。酒醒童子汲冰花。起看歸路銀河近。願借張騫八月槎。

陳樵 三首

雙柏 題畫

亭亭山上柏。柯榦如青銅。蒼古拔竒姿。肯作兒女

容風霜日。搖落萬木為之空。爾獨不見摧屹立。如老翁。乃知歸根妙。生意恒內融。願乘雲雨興。化作雙飛龍。

石

拳石當軒玉色寒。雨苔蝕盡鷓鴣斑。也知好事無真見。不看真山看假山。

山房

冷雲堆裏散人家。鹿幘羊裘不衣麻。門外樹身無歲月。山中人語帶煙霞。雲侵壞衲長生菌。風斷游絲半度花。采葢林深人不見。連筒引水自煎茶。

俗情說出便可笑

山中句自是名語

吳萊 三首

浦陽十景 錄二

潮溪夜魚

昨夜寒潮與此通。荒溪尚趁百川東。行依柏樹林頭月。釣拂蘆花嶼畔風。插竹侵沙魚扈短。篝燈映草蟹碕空。太公遠矣吾將隱。赤鯉何書在腹中。

深裏江源

半遶山根但一窪。真源鑿破杳無涯。清澄灌或於陵圃。窈窕尋猶博望槎。積雨衝堤蝸自國。微烟羃渚鷺。專沙欲行復坐皆雲水。只屬騷人與釣家。

還舍後人來問海上事詩以答之

去家纔五旬。恍若度一歲。豈不道路艱。周流東海濱。故人喜我返。來問海何如。所經何城邑。相去幾里餘。我言始戒塗。尚在越西鄙。隨波到句章。滿目但積水。人云古翁洲。遙隔水中央。一夜三百里。猛風吹倒檣。初從蛟門入。極是險與惡。白浪高於山。神龍習以躍。似雪非復雪。倚檣欲上看。舟子禁不。可使入舟中。蟠尋常重性命。今特類兒戲。信哉昌黎言。有海無天地。掀掀終達岸。鹽鹵間黃蘆。人烟寄島嶼。官府猶邨墟。水族紛異嗜。魚蟹及蠔蚶。我

寧不忍餐。抹蘚相吐沫。荒塵棲予髮。旭日照我身。
似聞六國港。東壓扶桑津。或稱列仙居。去此亦不
遠。蟠木秋更花。蓬萊闢真館。我非不願往。此險何
可當。天吳布牙爪。出沒黑水洋。於奇豈易得。似足
直一死。方去徒自驚。既歸亦云喜。珍重故人言。勿
以險為奇。茲行已僥倖。慎勿疾平夷。雖然此異鄉。
固是難久客。聖出風且恬。時清海如席。我猶愛其
然。恨不少淹留。爾毋為我懼。遭此千丈虬。試看塵
世間。甚彼大瀛海。衣裳日沉溺。篙艣相奔潰。奔潰
孰能救。沈溺將奈何。口吐舌不下。聊為故人歌。

吳師道 十二首

德興開化道中三首

春晨氣澄穆。雜卉香滿路。百舌鳴高林。墟煙淡如
霧。農夫啟門出。在野各有務。行人獨何為。憧憧自
來去。

宿雲逗疎雨。睽睽吐晨旭。晴光動千花。霞雪眩川
谷。白鷗戲深叢。黃鳥鳴灌木。俛仰竟忘疲。歷此溪
百曲。

兩崖蒼石間。湍水激清瀉。山桃爛紅芳。光影連上
下。春風忽怒起。意乃增行者。飛花撲人來。攬之欲

元詩選 卷三 六
盈把

舟行得風

江豚叩鼻瀆驚波。秋來江風西北多。掣帆鼓蓬疾於電。銀屋怒擁高嵯峨。江南江北青山色。著意相看忽如失。我行小遲亦何害。人生取快寧多得。賈人舟子勿嘯呼。野有垂泣耕田夫。三月不雨田水枯。

送友人

秋風吹古道。木葉墮征衣。明月今宵缺。孤雲何處飛。關山行路惡。文字賞音稀。莫待相思劇。天寒早

賦歸

送林初心

溪上開尊洗客塵。千篇高詠句清新。春風冠蓋英雄夢。夜雨江湖老大身。萬里燕山馳壯氣。十年吳國起閑人。時來須得文章力。去看薇花紫禁春。

赤壁圖

沈沙戟折怒濤秋。殘壘蒼蒼戰鬪休。風火千年消伯氣。江山一幅挂清愁。丈夫不學曹孟德。生子當如孫仲謀。機會難逢形勝在。狂歌弔古謾悠悠。

野中暮歸有懷

矯健有力

野田蕭瑟草蟲吟。墟落人稀慘欲陰。白水西風羣雁急。青林暮雨一燈深。年豐稍變飢人色。秋老誰憐倦客心。酒禁未開詩侶散。菊花時節自登臨。

和黃晉卿客杭見寄

一從君客江城去。詩思淒涼酒盞空。天末倚樓孤岫雨。春深閉戶落花風。半生正坐才名悞。萬里誰憐意氣同。坐憶王孫咏招隱。萋萋草色向人濃。

送許益之二金陵赴趙侍御招

揚帆千里載書琴。此事光華喜見今。青眼憐才真有道。白雲出岫本無心。校書燈火西齋靜。聽講衣

禮部近體落
落有氣復饒
頓挫

冠北府深。歲晚幽期良。自保孤根未。恨遠穹林。

游三天洞

稽亭山下三天洞。憶我金華物色同。拔地飛崖雲
洶湧。映空嵌穴樹蔥蘢。不知混沌何年鑿。直恐神
仙有路通。終擬赤松歸隱去。清游還墮夢魂中。

送陳生北遊

萬里長風入馬蹄。江干舊隱掩閑扉。乾坤清氣隨
詩卷。關塞征塵上客衣。日落太行孤鳥沒。天高燕
闕五雲低。提携喜有王維在。迴首南山莫便歸。

次韻黃晉卿清明游北山

一壑風煙自可留。十年湖海漫狂遊。短衣射虎真堪樂。莫恨將軍老不侯。

周權八首

溪之濱

小雨淨川綠。翫心鷗鳥羣。拂蘚憇幽磴。松花點衣巾。禪扃杳何處。疎磬時遠聞。青煙溼山道。牛羊下斜曛。

仙源

桃花悄無有。仙源渺何許。流水清於銅。松色與崖古。長林莫蕭颯。似與幽人語。翛然臥空菴。菴清猿夜

此山五古清
警幽寂願似
長卿齊虛一
派

深雨。

松下泉

長松蔭層巒。岱色入崖骨。鬱為翠雪浮。蒸滃香不散。融液作寒泉。飛迸出石窟。不濯輒紅塵。空山瀉明月。

舟行阻潮

江流浩浩吞長天。打篷巨浪翻銀山。篙師維舟不敢發。東望微茫盡溟渤。荒邨古渡生客愁。丹楓落葉秋颼颼。夜半西風卷江雨。呶軋數聲聞過櫓。風收雨霽晨氣清。金烏蕩漾波間明。舟人歡呼指歸

路十幅蒲帆順風去

古琴漆有蛇蚶紋者材之良也道友携一琴

甚古謂是零陵湘石枯桐斷成索價三百

緡無償之者戲作湘桐吟

寄託深遠語盡而意不盡

黃鐘沈聲喧瓦缶良材入爨知多少誰裁鳴鳳干

年枝蛇蚶龍紋巧蟠紐澤堅古漆光不磨徽絃不

具含雲和已無伯牙之手子期耳三歎如此湘桐

何

野趣

地偏居自穩石路接平田雲合茅簷樹雨添花澗

二語似近然寫景之工無以過之

泉空山晴滴翠遠水綠生烟喚酒青林渡斜陽繫客船

僧舍逢故人

空寂禪棲地楚然偶盍簪關河千里道風雨十年

心歸鶴投松暝流螢度竹深絕憐清夜盡話舊不

成吟

次韻孟韶卿

知道龐公不出山客來訪鶴借山看海棠開盡雨

方歇燕子來遲春尚寒一塢煙霞隨步履千峰紫

翠入憑闌棹頭巢父成何事謾向珊瑚拂釣竿

此山五律如竹色滿僧關寒松暖借雲七言如落花春晚客中酒萱花籬落晚初晴皆佳句也

朱德潤 二首

陪于思庸訓導登道山亭觀梅

道山亭下梅花邨。坡仙作詩為招魂。明姿照人隔
寒水。瘦影帶月欺黃昏。先生頗厭郡齋冷。持書晚
約窺山園。松風吹香清人骨。地鑪煙銷酒初溫。孤
標已出羣卉上。故遣雪意迷晴暎。和羹結子時較
晚。先傳春色來衡門。天寒谷幽翠袖薄。豈知青鳥
能傳言。明晨看花重有約。呼童埽石羅清罇。

無祿負

無祿負。倉場庫務稅課官。尊卑品級有常調。三年

日月無俸錢。既無祿米充口食。家有妻兒徒四壁。
冬來未免受飢寒。聊取于民資小力。寧將貪汙受
賊私。不忍守廉家菜色。貪心一萌何所止。轉作機
關生巧抵。臣聞古者設官職。俸祿養身衣食備。父
母妻兒感厚恩。清白傳家勸子孫。良吏每書廉吏
傳。邑民常奉長官尊。國家厚德際天地。祿養官曹
有常例。更祈恤養。無祿人免教。饗養取于民。

陳泰 二首

將離京師別李朝端陳伯奎二同年

陳生射策未三十。筆箭如鋒不破的。自古英雄感

元詩選 卷三
慨多直北。最盧懸一擲。文章有命。不論巧。得喪窮
通。兩何惜。吾州二妙。真豪放。白壁明珠。炯相望。蜚
英已邁。時輩先。通籍還兼伯兄行。霜蹄歷塊千里
空。風采承恩九天上。我辭君歸。春正晚。天風吹颿
落花滿。青冥浩蕩。南極深。白日波濤。洞庭遠。感君
惜別。重徘徊。令我長歌。激肝膽。雲山之東。佳氣濃。
磔裂華蓋。晶熒通。紛紛鸞鵠。好羽翼。莫笑垂翅南
飛鴻。

次尹立大韻

有力聊供世。無家却累親。獨憐為客意。每向故人
真。枕簟風光入。林塘晚色新。一尊誰與共。愁極好
生春。

杜本一首

題周南翁悠然閣

大江之東。彭蠡南。周家高閣。與雲參。秋風猿狖
嘯。青嶂。莫雨蛟龍起。碧潭。遶屋千叢生。杞菊。過簷百
尺長。榭楠。何時共此登臨樂。指點山川與縱談。

方瀾一首

石門夜泊

積雨暮天豁。炊煙隔林起。人喧落帆處。野語新月

發端突兀

回不能到

裏。桑。逕。綠。如。沃。麥。風。寒。不。已。一。夕。舟。相。銜。擾。擾。利。名。子。

許謙 三首

馮公嶺

層巒疊嶂危相倚。亂若飄風湧秋水。寒松荒草間蒼黃。照眼崢嶸三十里。初如井底觀天門。一峰巍然中獨尊。縈回百折至絕頂。俯視眾嶺來兒孫。人言此山插霄漢。馬不容鞭僕夫歎。攀援何異蜀道難。氣竭神疲背流汗。熱視徐行路覺平。心寬意適步更輕。忘須預定自遠到。世事豈得終無成。我來

白雲先生多
是道之言然
無一點學究
氣

正直窮冬月。倚秋巖前嚼松雪。午店煙生野飯香。陽坡日近梅花發。寄語悠悠行路人。乾坤設險君勿嘆。胸中芥蒂未盡去。須信坦道多荆榛。

春城晚步分韻得我字

紅樓鼓歇鳥輪墮。淺水橫舟弄漁火。春風生草雉堞青。隨處軟茵供小坐。斷烟飛鳥入杳冥。關市行人競么麼。溪城斗大無遠趣。目礙雲山環瑣驂。駟騁駕路或迷蜩。鶯槍枋計非左歸。同三子歌。考槃茫茫宇宙誰知我。

三月十五夜登迎華觀

阮嗣宗寧與
燕雀翔不隨
黃鵠飛黃鵠
志四海失路
將安歸結處
從此脫出

澹齋

夜深來此倚闌干。千里樓臺俯首看。月到中天花
影正。露零平地草光寒。氣清更覺山川近。意遠從
知宇宙寬。長嘯一聲雲外落。幾家兒女夢初殘。

李存一首

別黃俊昭

歸矣黃夫子。清愁葉葉風。深知疑我獨。無補與人
同。天地年年老。江河日日東。相思有新語。并寄鯉
魚中。

趙偕一首

送阿里擇之都目之河梁

十字古今同
慨

古人在猷畝。尚不忘乎君。為官不盡職。何以為人
臣。吾觀四海內。茫然浩無垠。兵甲尚未息。傷哉此
良民。省臺與州縣。冠蓋多如雲。真知小民苦。落落
今幾人。先生業儒術。其才尤出羣。皇朝有此老。合
置要路津。白髮已滿鬢。青衫不掛身。鬱鬱淹下僚。
壯志何由伸。天寒途路長。北風揚沙塵。勗哉加餐
飯。此外安足云。

岑安卿八首

古意

亭亭千載松。起自一寸植。苟無斧斤患。壽可比金

石青青園中草。一雨迴故色。清霜忽飄零。憔悴在頃刻。

寶刀不斷水。綫溜可穿石。君看城門軌。要非兩馬力。為學不苦心。虛談政何益。偉哉大禹功。猶思寸陰惜。

送景融姪之澗

宴安人鴆毒。我老嗟無聞。知汝行有日。送汝寧無言。汝父早即世。汝子衣猶斑。汝弟頗知學。且識應門難。別家思自奮。託蔭薇花垣。王侯近下士。接待禮尤寬。人觀所為主。結交慎扳援。期汝在遠大。囑

山人詩云老成愧苟得董樸羞無官亦

是志節之士結交慎扳援自獻殊未屑皆落落有骨格

汝猶殷勤。蛟龍蟄深壑。變化斯須間。鵬鷲志霄漢。奮迅凌風翰。錢塘萃佳麗。比屋人煙寔。寢食須自謹。勿躡春風門。酌此一杯酒。我心愈憂煩。功名倘相遂。寄我歸來篇。

和李宰韻

春風吹繁花。秋露淨孤月。壯年嗜好新。對此每傾悅。年來百念灰。搔首維短髮。流光不我與。蒼生古人骨。常懷却世紛。宴坐學龜息。心乎茂叔蓮。興乃子猷竹。從渠鵬去留。不問馬得失。李侯宦遊蹤。來就海門宅。庭蘭茁春芽。笑語落霏雪。詩文嘗我過。

老晦咨啟發窮思獨善身自獻殊未屑對酒還當
歌甘旨肯朝夕君心與我懷相對交歎息

傷心行用李長吉韻

朔風動清吟孤月流寒素白髮困青燈紅妝泣秋
雨羅扇沿網蟲寶鑑青鸞舞白晝魍魎行山昏鬼
無語

題太真春睡圖

東風吹香蕩晴晝長安宮殿花如綉海棠一夜拆
輕紅淑氣薰蒸困醇酎太真徒倚沈香亭宿醒未
解春冥冥看峰斂翠翳秋水侍兒夾擁花娉婷玉

只一睡字議
論瀾翻如層
波叠浪

牀膩滑芙蓉展水沈煙裊金屏暖丹腮融潤珊瑚
温寶釵斜鬢烏雲綰上皇玉笛那敢吹地衣紅綉
靴輕移傳令別殿罷歌管流鶯不語游絲垂漁陽
鼙鼓邊城動臺閣無言卿士慵婦人一睡四海昏
主暗臣諛捻如夢翠華西狩九廟隳禍胎未翦三
軍疑馬嵬之夢生死訣一時悔禍人心歸驪山舉
燧供歡笑犬戎蹴踏周原草丹青誰寫春睡圖後
世不須箴大寶

次王敬助見寄韻

琴書曾遠訪訪我海東濱對酒不成醉看花惟惜

元詩選 卷三
春青燈書有味。白眼世無人。儘有耕桑趣。偷然一幸民。

寄易禮弟

越客半年住。閩溪千里流。山高不礙夢。日暮易爲愁。兄弟終相憶。鄉閭非所憂。何當先壘側。同理釣魚舟。

洪希文一首

題聖墩妃宮湓洲嶼

我昔纜舟謁江干。曾覩帝子瓊華顏。雲濤激射雷電洶。殿閣肆兀魚龍間。此洲仙島誰所構。面勢軒

每愛汝實聞
詩云有

子定知吾事
足貧家頗覺
此聲佳真至
有味餘作皆
平平無大出
色者此首尚
清勁

豁規層瀾。壺山峙秀。倒影入乾坤。擺脫呈倪端。粉墻丹桂輝。掩映華表聳。突過飛巒。湘君小水。幻靈骨。虞帝迹。遠何由。攀銀樓玉閣。足官府。忠孝許入。巫咸斑。帝憐遐。陬雜鯨鰐。柄授水府司人。裏五雲。殿邃嚴侍衛。仙衣發。駕朝天關。危檣出。火海浪破。神鬼役。使忘險艱。靈旗毯。塗廣樂。振長風。萬里翔。孔鸞平洲。遠嶼天所劃。古廟不獨跨。黃灣至人何。心戀桑梓。如水在地行。曲盤升階。再拜薦脯。滌不以菲薄。羞儒酸。日談書史。得少暇。石橋潛度。凭雕闌。詩成不覺肝膽醒。松檜蒼蒼。鳴玦環。騎鯨散髮。

元言選 卷三
出長嘯。追逐縹緲乘風還。

袁士元 四首

和嵯縣梁公輔夏夜泛東湖

短棹乘風湖上游。湖光一鑒湛於秋。小橋夜靜人
橫笛。古渡月明僧喚舟。鴛浦藕花初過雨。漁家燈
影半臨流。酒闌興盡歸來後。依舊青山繞客流。

謝樊天民先生朱以仁先生謝德清見訪并

述懷

詩思蹉跎四十餘。未窮經業鬢先疎。歸來自媿窮
途客。枉顧多勞長者車。荷葉池塘疎雨歇。榴花庭

院晚晴初。吟懷浩蕩憑誰遣。幾向東風借蹇驢。

遊東湖醉中歌

青山偃蹇不可呼。我行青山如畫圖。蕩舟春波並
山去。青山盡處橫陂湖。周湖一百二十里。湖波極
處山孤起。下臨滄海上青天。南有浮屠抱山址。事
幽興集天風來。乘風便欲歸蓬萊。憂長未釋天地
隘。眼濶稍覺心顏開。酒酣重踏孤舟發。此興平生
浩難遏。橫山西去復清溝。屠蘇巧構林巖幽。園翁
翦花春在手。蟠迴石磴窮雕鏤。興盡歸來月猶在。
盤礴解裝春鬢爨。呼童置酒復徘徊。明月清風如

元詩選 卷三
有待臨水軒窗次第開。玉山自倒非人推。吁嗟勞
生快意少。故園茅屋今蒼苔。明朝陰晴未可必。携
手重遊定何日。借我仙人九節筇。直欲拄上太白
峰頭立。

題寒江獨釣圖

堪笑江湖幾釣徒。朝來相喚暮相呼。祇今風雪蒙
頭處。回首烟波一箇無。

張端二首

送徐仲盟還淞江

十年不見南州士。吳下相逢涕泗橫。鬢髮蒼蒼俱

用事切尤妙
在若不覺其
用事者

老大襟懷耿耿尚崢嶸。年來江上魚無味。夜半雲
間鶴有聲。明日扁舟入空濶。岸花汀草不勝情。

和姜將儀寒食韻

倦拈重碧擘輕紅。困坐江城似酒中。送却春光三
月雨。吹來花信幾番風。人離桑梓艱難遍。淚灑梧
桐感慨同。浩蕩烟波千萬頃。苦愁無地著溪翁。


秦不華一首

送友還家

君向天台去。煩君過我廬。可於山下問。只在水邊
居。門外梅應老。窗前竹也疎。寄聲諸弟姪。老健莫

一氣轉注高
渾有力

元詩選
卷三
愁予。



元詩選卷三終

